

天下郡國利病書

二一

10

43

天下郡國輿地考

二

山東下

備錄

東昌府志 田賦論 余嘗徧問南北田賦  
官莫病于詭沒多端民莫苦于兼并無厭  
之二者江南滋甚吾郡無深山大澤之專殖  
又鮮疆宗巨室之奸法獨里胥狐伏鼠沒  
其中一彊察長吏履畝按圖旬日可清理  
情偽易睹也今所慮者并均耳夫州縣有  
衝僻提封有廣狹土壤有沃瘠賦上下錯出  
其間郡至嘉隆之際闔境疲累俗所拊金

濮銀范者、今靡敵不昔若矣。濮故河壩、棄  
地歲穰、畝收一鍾、猶不失為樂土。館陶博  
平地僻、民勤稼穡、善營殖。恩縣出城、舟車  
之會、田平衍、人僅足自給。堂邑朝城、莘縣  
冠縣、夏津、地肥磽、相間、賦不甚上下。獨聊  
城以附郭、故稱固。丘縣古名斥丘、以地多斥  
鹵、風景蕭然。清平飛沙澶漫。邑迤西北、  
民饒桑麻、利最下為高唐。彌望颺脫土

曠人稀。在乎地薄。當午衝。觀城最崩之  
區。如燭灑不能自潤。此一州兩邑者。賦等兄  
弟。主國猶病不任。按籍相提。歲徵且過之。  
譬如滿堂權笑。一夫向隅。彼借推代之說。  
訟讀。歎人事遠難稽。為民上者。奈何不劑  
量其輕重而衷蓋之。又各州縣步尺參差。  
大小畝懸殊規畫不一。人得以意長短廣  
狹其間。建步立畝之法可講也。

戶役論 條編法、克州志論、哲美、大際

謂便不便、塚要以 國家三等九則之制

規畫較然、不欲使二百年成法、奪于新議

耳、夫因時之樂、以立法、因法之樂、以救時、正

德前、民樸、畏法自重、差役稀少、有司第其

質、產登降之、旬日立辨、嘉靖間、賦役橫出、

門戶稍上、破產相尋、于是黠者工其術、於

詭寄折分、饒者恣其費、于結納請託、每至

審編契端如牛毛繭絲雖廉令察字不  
能根究窟穴豪吏猾胥播弄上下糴酒漉  
肉其則如布柳子厚所謂富戶操其贏  
以布于矣有富之實無富之名貧者無資以  
求于吏有貧之實無貧之名州縣皆然萬  
曆十五年條編法行吏無巧法民鮮危  
畏園境帖然如就衽席近議有便有不便  
者夫條編非盡便也相提而論便多于不



便也。世所稱不便者，大槩謂賈販得脫  
免，是為利末而病農。門丁不加徵，是為幸富  
而禍貧。夫丁銀所出幾何，土人列肆，可屈  
指數也。臨清多大賈，業徵房號錢，且其人  
皆僑居，不領于有司之版籍，獨云田無  
等差，斥園茅沙，与平阜，墾壤按畝科徵，  
誠非鴟鳩之平耳。顧往日所稱便者，今亦  
不便，何也？夫革大戶，便也。擴頭易名，猶大

戶也。如免軍存留臨清爲賠累如故，是移  
大戶之累于權頭也。里甲併入均徭，便也。  
聞各州邑當甲供億如故，是重費也。無歲  
不里甲也。頭役不賠，群戶不擾，便也。嚴期  
征輸，舉貨子錢，往還城市中，若加秤頭，孰  
與各役打討，隨家所有給之，爲兩利也。  
夫此三者，非條編之害也。不善行條編者  
也。語曰：有治人，無治法。今郡屬已條編矣。

賦不必更絲而治使司牧者檢勘沙隸薄  
 田差次折徵而又裁里甲之費抑擴頭之  
 苦嚴令平秤無偽火耗之名以加銖兩于  
 百姓則條編非祖宗法也得不待為救  
 時之法乎哉

高唐州志 鄉為土民屯為遷民遷民  
 者洪武二十四五年遷南人填實高唐  
 遂以曠地給之初制然也今編各鄉皆為土著而無復鄉  
 屯之辨矣

河渠考 元初糧運自浙西入江淮溯

黃河至中灤陸運至淇門由御河舟達于

燕世祖至元二十年以江淮水運不通命  
兵部尚書奧魯赤等自任城穿渠導泲  
汶泗水北流至須城安山入清濟故瀆經  
東阿至利津河入海後海口沙壅又從東  
阿陸轉二百里抵臨清下御瀆以道經在  
平夏秋霖潦轉輸艱阻二十六年用壽  
張尹韓仲暉太醫令史邊源言復自安  
山西南開渠由壽張西北過東阿又西北

至臨清凡二百五十里引汶絕濟直屬御  
濠建閘節水名會通河。國朝洪武二  
十四年河決原武黑陽山由舊曹州鄆城  
西河口漫安山湖而會通河塞永樂九年  
以陸運勞費不貲用濟寧州同知潘叔正  
言遣工部尚書宋禮等發山東丁夫十  
六萬餘人疏濬元會通河故道自濟寧  
至臨清三百八十五里又築壩戴村遏汶水

分流南旺、北達臨清、會通河始復。正統十三年、河決滎陽、自開封北經曹濮趨漕、決沙灣東隄入海。景泰四年、左僉都御史徐有貞奉命往治、濬廣運渠、起張秋金隄、達于大瀾、踰范、暨濮、上設九堰、建漫水諸閘於東昌、龍灣等處、以宣其流、而沙灣塞。至弘治六年、都御史劉大夏築堤黃陵岡、由是河南徙始不病漕。衛河

卽御河也。始隋煬帝導衛輝百門泉，東  
比引淇、滏、漳、洹之水，御以巡幸，賜名御河。  
衛流湍悍，蓋以汶。七八月間，洪濤峻瀉，水  
勢衝激，數敗舟。弘治三年，侍郎白昂出  
治河，建臨清東閘。正德間，都御史劉攽  
建南廠，新開二閘。以後歲遣都水司主  
事一員治河。嘉靖七年，主事鄭元璋奏  
革閘務，併隸磚廠，營繕司河道改屬張

秋都水司三十一年大水、衛河決、工部員外  
郎周思兼督衆築塞、隆慶三年、總理河  
道都御史翁大立、徽州縣各裁閘壩夫役  
無事之食者、改編銀差、貯府備用、津老  
罷弗設、萬曆十九年、漕流艱澁、工料都給  
事中常居敬行河、疏請府比二十五里  
增建永通閘一、自會通河開、迄今二百餘  
年、決塞不常、前後治河諸臣、經營無遺



力境內諸役以間徵調檢充挑築歲食  
不足百姓私益其直瀕河諸州邑因甚河  
道經由凡一州七縣

聊城縣 河之東岸南自本縣之侯家寨

北至博平之校堤六十里西岸北自堂邑之

梁家鄉南至陽穀之官窪口六十五里置

淺鋪二十有三北壩口淺徐家口淺柳行口淺房

家口淺呂家灣淺龍灣淺宋家口淺破開口淺林